

335/2


LUGANDA

(Okusoma bwiino,
eby'obuwangwa ne
litulica)

Paper 2

July/Aug. 2022

2 ½ hours



AITEL JOINT MOCK EXAMINATIONS

Uganda Certificate of Education

LUGANDA

(OKUSOMA BWIINO, EBY'OBUWANGWA NE LITULICA)

Olupapula Olw'okubiri

Essaawa bbiri n'ekitundu

EBIGOBERERWA:

Olupapula luno lulimu ebitundu bisatu: A, B, ne C.

Ddamu ebibuuzo bitaano (5) awamu.

Ddamu ebibuuzo byonna mu kitundu A ne B.

Mu kitundu C, ddamu ebibuuzo bisatu (3) byokka

EKITUNDU A

1. *Soma ekitundukino n'oluvannyuma oddemu ebibuuzo ku nkomerero yaakyo.*

Oluganda lulimi lugagga mu bigambo ebitegeeza ebintu oba empisa z'omu Buganda ezaaliwo okuva edda. Tulaba nga tulina enjogera etegeeza amakulu amangi ate nga gasalira mu bigambo bitono ddala. Enjogera eyo gye tuyita ey'engero. Omuntu okubalibwa nti amanyi nnyo oluganda asaana amanye nnyo engero zaamu n'amakulu gaazo.

Edda Abaganda beesiganga nnyo engero zaabwe mu kuyigiriza abaana abato n'abantu abakulu aba buli ngeri. Ennaku zino abantu bagayaaliridde okumanya amakulu g'engero amakukulire ate ng'abalala tebasobola kusalayo wadde olugero olumu.

Kino kye kiseera abantu abakulu we basaanidde okulafuubana ennyo okumanya engero , n'okuzikozesa mu bulamu bwabwe obwa bulijjo. Abaganda tebasaanak**kwasiikana** nga bayigiriza oba nga bawa bannaabwe amagezi aga buli ngeri. Okubuulirira kusinga kuweerwa mu ngero. Waliwo engero ezifa ku bazadde n'abaana baabwe, ez'obufumbo n'obuko, eziyigiriza okukola emirimu, eziyigiriza obuwulize, ezifa ku mwenge, ezifa ku mabanja, ezifa ku bika by'abantu n'ennyanda zaabwe, n'endala nnyingi.

Engero eza buli ngeri ze ziyamba abaganda obutaba bababaalukanyi, n'olulimi Oluganda lwennyini kye luva luba olulimi olwogerwa empola nga terwanguyiribwa. Abaganda Oluganda lwabakwata ne mu ntambula, anti tebayinza kwanguya magulu nga batambula. Ekitenderezebwa ku ngero ez'edda kwe kulaba nti newankubadde zaagerebwa ku mirembe gya dda naye amakulu g'ezisinga obungi tegadiba, gakyatuukira bulungi ku bintu by'omulembe oguliwo.

Bulijjo abantu batoola ensimbi nebagula abantu baboogerere ku mikolo nga ennyimbe, embaga, okuyozaayoza abattikiddwa oba abaweereddwa amabaluwa ag'emisomo, n'abo abalina emisango gye bawoza. Ekyo kitulaga bwe tusaana okuyiga Oluganda ate naddala engero zaamu tubeereko ne kye tuziggyamu ekitugasa, ebimu ku bintu bye tusaana okukuumu, ennyookulongoosa, n'okulekera bazzukulu baffe abaliba mu nsi muno nga ffe tugivuddemu bwe bwakabaka bwaffe, olulimi lwaffe, ebika byaffe, n'empisa zaffe ennungi. Ekyo kye kirabo ekitasaana **kutyoboolwa** Buganda kye yafuna

okuva eri katonda era buli agezaako okuteekawo omuziziko okuzi^ηmya entegeka ezo abeera talwanyisa nsi yaffe yokka, naye abeera alwanyisa Katonda.

Abantu abamu, **baavuwaza** Oluganda nga balukyayisa abalala ng'olutali lulimi lwa maanyi mu nnimi endala basobole okumanya amagezi aga buli ngeri agali mu bitabo ebyawandiikibwa mu nnimi ezo. Naye ekyo kijja kutwala ekiseera, kye kiva kyetaagisa okumanya n'okusoma ebitabo ebiri mu luganda, kubanga lwe lulimi lwe bategeera obulungi.

Abantu abakulu balina ebbanja ery'okwogera obulungi oluganda nga beewala okutabiikirizaamu ennimi endala, ate n'okulwagazisa abaana. Bannaffe abayigirze bafube okuluwandiikamu ebitabo n'okukyusa ebyo ebiri mu nnimi endala, abaanabaffe basobole okumanya ebyo bye bataalitegedde.

(Bisimbuddwa okuva mu M.B. Nsimbi: olulimi oluganda , nga mulimu ebikyusiddwamu)

Ebibuuzo

- (a) Okusenziira ku kitundu ky'osomye, laga engeri omuwandiisi gy'atumatiza nti, olulimi oluganda lugagga. (obubonero 5)
- (b) Menya ebiti by'engero ensonge omuwandiisi by'akonyeeko mu kitundu. (obubonero 6)
- (c) Nnyonnyola abantu abamu bye bakoze mu kufeebya olulimi Oluganda. (obubonero 3)
- (d) Bintu ki abazzukulu bye bateekeddwa okukuuma bulijjo? (obubonero 3)
- (e) Nnyonnyola amakulu g'ebigambo bino nga bwe bikozezeddwa mu kitundu kino.
 - (i) Kwasiikana
 - (ii) Kutyoboolwa
 - (iii) Baavuwazza (obubonero 3)
- (f) Nnyonnyola obuvunaanyizibwa bw'abantu abakulu mu kukuuma olulimi oluganda. (akabonero 1)
Okuva ku g- j londako ekisingako obutuufu (obubonero 4)
- (g) Omuwandiisi atumatizza atya nti Oluganda si lwa kusaanawo?

- (i) Kubanga baluteekamu ensimbi
- (ii) Katonda y'alulinako obuyinza
- (iii) Lulina engero ez'amakulu
- (iv) Terulina balabe
- (h) Kifaananyi ki omuwandiisi ky'atusiigidde ku nnimi endala?
 - (i) Zisinga Oluganda
 - (ii) Teziriimu byakuyiga
 - (iii) Ntono wano mu ggwanga
 - (iv) Zirina omugaso
- (i) Mutwe ki ogutuukira ku kiwandiiko kino?
 - (i) Ebikyusiddwa mu luganda
 - (ii) Obukulu bw'olulimi oluganda
 - (iii) Obwakabaka bwa Buganda
 - (iv) Oluganda n'emikolo egy'enjawulo
- (j) Abayigirze omuwandiisi abakubiriza atya mu kukuuma omutindo gw'oluganda?
 - (i) Okulwogereramu ebisoko
 - (ii) Balwongeremu ebigambo eby'ennimi endala
 - (iii) Okukyusa ebiwandiiko
 - (iv) Tebalukwatirwa nsonyi

EKITUNDU B

Ddamu 2(a) ne 2 (b)

2. (a) Maliriza engero zino nga bwe zoogerebwa. (obubonero 10)
- (i) Siwa muto lugero
 - (ii) Akataazimbe,
 - (iii) Linda kiggweeyo,
 - (iv) Bw'eyinda,
 - (v) Abalungi ndagala nnamu,
 - (vi), tagiseera mata
 - (vii), ennyonyi ziguyita ttale

- (viii), giwaatula ne giggumiza
- (ix), tegumanya nnyumba mbi
- (x), okibanja oyimiridde
- (b) Nnyonnyola amakulu g'engero zino ago'omunda. (obubonero 5)
- (i) Gw'osenvuza mu buto, akusenvuza mu bukadde
- (ii) Eyawukana ku mugendo, efuuka kaasa
- (iii) Asimba kasooli tamulya makoola, amulinda kwengera
- (v) N'ezikookolima, gaali magi
- (vi) Embuulire tefa yonna

EKITUNDU C

*Ddamu ebibuuzo **bisatu** ng'obiggya mu butabo **obw'enjawulo** ng'akamu ku bwo ka bitontome*

W. MAGOBA MBAYIWA OW'ABAYIZI

Ddamu 3(a) oba 3(b)

- 3. (a) “.....”.Waliyo omuntu eyeetaaga siringi kakaaga mu bwangu nnyo, era nga kyava atunda n'enjuye ey'abapangisa ku nnusu ezo zokka, ate nga ennyumba eyo eyinza okuvaamu ennusu olukumi buli mwezi”.
 - (i) Ebigambo ebyo bisimbuddwa mu ssuula ki ey'olugero era ani abyogera? (obubonero 2)
 - (ii) Omwogezi w'ebigambo ebyo yayongerako ki ekimatiza gwabigamba okutuuka okuzimuwa? (obubonero 3)
 - (iii) Ggyayo obutali bwesimbu obulala bwa mirundi etaano omwogezi bwayolesa mu lugero luno. (obubonero 5)
 - (iv) Nnyonnyola ebintu byeweegomba ku mugambibwa w'ebigambo ebyo. (obubonero 10)

Oba

- 3 (b) Nnyonnyola bulungi n'ebiyokulabirako engeri abasajja gyebazimbiddwamu mu lugero luno eteegombesa musomi waalwo. (obubonero 20)

RUTH KABOGGOZA: *AMAGGWA N'EMITEGO MU BAVUBUKA.*

Ddamu 4(a) oba 4(b)

- 4 (a) “.....”.Era yabeewuunyisa nnyo, ggwe omwana olwali okugwa kungsi ng'eriiso akanula! Omwezi okwetooloola ng'asekera enswera! Teyayavula,nga kutambula. Okumalako eddaaza (omwaka) ng'amannya g'abawaka agasinga agakusuwadde!!
- (i) Muntu ki oyo ayogerwako era ebigambo ebyo biggyiddwa mu ssuula ki ey'olugero? (obubonero 2)
- (ii) Laga ebifo (amaka) eby'enjawulo ayogerwako byeyabeeramuko okutuuka olugero weruggweerako. (obubonero 5)
- (iii) Nnyonnyola ebizibu by'oggya mu lugero luno ayogerwako bye yayitamu okutuuka lwagenda mu bufumbo. (obubonero 13)

Oba

4. (b)Nnyonnyola bulungi ng'owa n'e'byokulabirako ebintu ebikuluomuvubuka ow'omulembe omutebibyaggya mu lugero “Amaggwa n'emitego”. (obubonero 20)

PRISCA NAKITTO: NZE MBIMAZE

Ddamu 5(a) oba 5 (b)

5. (a) Nnyonyola engeri omuwandiisi w'omuzannyo guno gy'atuzimbiddemu omulembe ogw'edda nga bwetugulaba mu muzannyo “Nze mbimaze”. (obubonero 20)

Oba

- 5.(b) Omulembe guno gwetulimu gusoosowaza nnyo abakyala ne gukamala.Nnyonnyola bulungi engeri abakyala gyebazimbiddwamu mu ngeri eyeegombesa omusomi w'omuzannyo guno. (obubonero 20)

DAMASCUS SSALI: OBUWOOMI BW'EKITONTOME

Ddamu 6(a) oba 6(b)

- 6.(a) Weesigame ku bitontome ebyenjawulo okuva mu katabo “Obuwoomi bw’ekitontome” olage bulungi nga ssali bwali muwandiisi wa bitontome ebinyuvu.
(obubonero 20)

Oba

- 6.(b) Soma ekitontome kino n’oluvannyuma oddemu ebibuuzo ku nkomerero yaakyo.

BANNABYABUFUZI

Baakula bulimba nnyo nyaabula babi,
Bw’ajja n’akukyalirako ogamba kyaliko,
Baba n’ekisa amajja bwe batyo bate,
Bw’awalampa n’atuuka tadda gye yava.

Simanyi oba ne nnyabwe bw’atyo bwe yali,
Kuba bonna bassa kimu bbeere lye limu,
Okumwenya n’abuuza ntandikwa *ηη*umu,
N’okusuubiza ebingi bonna bwe bali.

Singa munnabyabufuzi anyiize ku makya,
Okumalako ettuntu ntalo z’olaba,
bavumagana nnyo n’ogamba baabuke,
Enjuba okugenda eti ng’ate ba kinywi.

Paalamenti bw’etuuka n’olaba enjega,
N’omukopi ateesobola atunze ku bubwe,
Bakuba *emη*oma embuutu beesiwa obucu,
Ne bazisiba ensenso omunaku azine.

Simanyi oba n’ewammwe bwe batyo naye,
Ewaffe buli ayitamu tadda gye yava,
Namirembe ne lubaga, kibuli nayo,
Bwe batyo bwe beetwala bonna be bamu!

Bankuba ttiyaggaasi jjuzi lwe nnali,
Mu kunoonyeza Tom akaamusenvuza,
Gye buli eno gy’emyaka esatu kati,
Tom tadda ka mpozzi ng’eriyo omufu.

Mubakalige ekkoligo nabo bamanye,
Nti tewali alibeetaaga mu mpisa emize,

Singa Lugaba anyiiga n'aggyayo oluga,
N'abazingamu embooko nabo bayige.

Ebibuuzo

- (i) Omutontomi atontoma ku ki mu kitontome kino? (obubonero 2)
- (ii) Menya ebintu bina ebireetedde ekitontome kino okuba ekinyuvu. (obubonero 8)
- (iii) Leeta embeera za mirundi ebiri ekitontome kino mwe kikussa ng'owa n'ensonga lwaki? (obubonero 4)
- (iv) Omutontomi yeetegerezza nnyo kyayogerako; Kakasa. (obubonero 4)
- (v) Ebigambo ebisaziddwako mu nnyiriri zino wammanga bitegeeza ki?
 - Mubakalige ekkoligo nabo bamanye,
 - Enjuba okugenda eti ng'ate ba kinywi, (obubonero 2)

Ddamu 6(a) oba 6(b)

7. (a) Namaganda Alice Janet asimbye nnyo essira ku butonde naakamala. Nga weesigama ku bitontome eby'enjawulo laga ebintu eby'enjawulo byategeeza abasomi b'akatabo kano. (obubonero 20)

Oba

7. (b) *Soma ekitome kino wammanga n'oluvannyuma oddemu ebibuuzo ku nkomerero yaakyo.*

AMATIKKIRA JJUBIREEWO

Amatikkira jjubireewo go gaanyuma
Lyali ssanyu jjereere omwenge twagunywa
Enkoko twazirya
Misito twayokya
Embuzi zattibwa
Nakali baakalya
Evvumbe lyabuna ekyalo

Abakozi b'emmali beetala
Abafumbi b'ettooke baakola

Kaali katale erudda twebuga
Kaali keetalo ababbi beetala
Gwali mugano gwa nswa nnyaabula
Nga tukulisa Bbaffe omwagalwa
Kyabula omukombi

Abantu baali bangi nnyo beetala
Ebidduka nabyo bingi byebuga
Ng'abakwasi b'emmundu beetala
Obukumi bwali wali ssaajula
Ekitiibwa kya kabaka kyalagwa
Bannamawulire bangi beetala
Okukulisa Bbaffe omwagalwa

Abagenyi b'omwaka twabalya
Abazeddira bambi mwasubwa
Abatunzi b'ennyimba mwanoga
Abakubi b'embuutu bajjuza
Abakola mu ggogolo mwanoga
Abasaabaza abantu mwebuga
Nga tukulisa Bbaffe omwagalwa

Abatimbi bannange mwakola
Amataala g'olunaku gaayaka
Ebimuli bya looza byalabwa
Ebifaananyi byonna byakubwa
Abatunzi baabyo abo baanoga
Eya Mayanja yadda wali mwebale
Nga tukulisa Bbaffe omwagalwa

Mu bagenyi b'enjawulo abaalabwa
Ye kabaka wa Asante omujjuvu
Eyayolesa eggagga eryalabwa
Eyayolesa ebivuga ebyabali
Yajja n'abakungu sso ab'ewala
Nga tukulisa Bbaffe omwagalwa

Ssaawa zaali mu ttaano eza wano
Nekabaka n'asonga twetala
Mu kitiibwa kya kabaka ekijjuvu
Bajja bamukongozze ab'embogo
Bwatyo nne yeeyoleka abantu be
Mu mizira n'embuutu ebyawano
Nga tukulisa bbaffe omwagalwa

Yayogerako gye tuli abantu be
Era natukunga nnyo okwefuga
Obumu obbunyweza ennyo nnyaabula
N'asaba tube bakozi ab'embala
Okusomesa abaana aba wano
Okwagala ebika byaffe okwanamya
twamukulisa Bbaffe omwagalwa.

Ebibuuzo

- (i) Nnyonnyola ku ngeri ekitontome ekyo gyekisengekeddwamu. (obubonero 8)
- (ii) Laga ebintu ebyenjanjawulo ebikulaga nti omutontomi kyayogerako yakiriko nnyo. (obubonero 6)
- (iii) Bubaka ki obweyolekera mu kitontome ekyo omusomi bweyeenyumirizaamu. (obubonero 4)
- (iv) Nokolayo ebintu bina obirage bulungi ebikakasa nti obubaka obwo ddala kitontome. (obubonero 2)

BIKOMYE

